



PENGEMASKINIAN STATUS KERJA-KERJA SEGERA PEMBAIKAN PAIP UTAMA DI KG BATANG MITUS AKIBAT TANAH SUSUR PADA KHAMIS, 29 JANUARI 2026

JUMAAT, 10 SYAABAN 1447H / 30 JANUARI 2026M

Jabatan Kerja Raya ingin memaklumkan orang ramai mengenai perkembangan terkini kerja-kerja segera pembaikan paip air utama berikutan akibat tanah susur yang telah berlaku di Kg Batang Mitus pada 29 Januari 2026.

Sebagai tindakan serta-merta, Jabatan Kerja Raya, Kementerian Pembangunan telah mengaktifkan Emergency Response Centre (ERC) dengan melibatkan beberapa Jabatan-Jabatan di bawah Kementerian Pembangunan serta agensi-agensi lain untuk penghantaran bekalan air melalui *tanker* terutama ke pusat pengambilan air, tangki-tangki biru serta tangki-tangki kritikal seperti rumah sakit, klinik, masjid dan balai-balai ibadah di tempat-tempat yang terjejas.





Terkini, sebanyak 8 daripada 16 batang paip telah berjaya disiapkan. Kerja-kerja pembaikan ini dijangka akan siap pada hari Ahad, 01 Februari 2026, tertakluk kepada keadaan cuaca. Walau bagaimanapun, bekalan air kepada orang ramai hanya akan pulih selepas pengisian tangki-tangki air di kawasan yang terjejas selesai dan ini akan mengambil masa sekitar satu hari memandangkan kebanyakan paras air tangki di kawasan terjejas adalah sangat rendah. Secara kesimpulan bekalan air dijangka akan pulih sepenuhnya pada hari Isnin, 02 Februari 2026.

Disamping itu juga, orang ramai bolehlah mendapatkan bekalan air sementara melalui tangki-tangki biru ditempatkan di beberapa lokasi yang boleh dirujuk melalui Instagram JKRBRUNEI dan di tempat-tempat alternatif seperti berikut:

- 1. Industri Lambak,**
- 2. Industri Salambigar,**
- 3. Perumahan Negara Lugu Fasa 5 & 6,**
- 4. Masjid Kg Serdang**
- 5. Masjid Kg Sengkurong**



Antara tangki-tangki yang ditempatkan di beberapa lokasi



SALAMBIGAR dan LAMBAK - Antara tempat pengambilan air yang dikenalpasti untuk pengagihan bekalan air

Pihak Jabatan sangat menghargai kefahaman dan kerjasama orang ramai dan akan berusaha dengan sedaya upaya untuk menyiapkan kerja-kerja pembaikan dengan secepat mungkin untuk mengembalikan bekalan air seperti sedia kala.

-TAMAT-

Disediakan oleh:

**Unit Perhubungan Awam
Jabatan Kerja Raya
Kementerian Pembangunan**